



荔軒草者侍中曾子清詩集也子清門第盛歎長
江南佳麗地束髮即以詩詞經藝驚動長者稱神
童既舞象入爲近臣今始弱冠而其詩清深老成
鋒穎芒角篇必有法語必有源雖顛白齒搖拈鬚
苦吟不能逮其一二可不謂奇哉不佞徵車來長
安晤子清如臨風玉樹談若粲花甫曼倩待詔之
年腹卿孌二酉之秘貝多金碧象數藝術無所不
窺弧騎劍槊彈碁擊阮悉造精詣與之交溫潤伉
爽道氣迎人予益歎其才之絕出也蓋才之出于
天者自然而莫知其所至學焉而莫能企及焉故

本心言錄

其于詩有可學有不可學鑄格鍊字揚蘄挖藻此
可以學得也亭臯木葉池塘春草此不可以學得
者也以絕人之姿加典學之力及其成就豈有量
際哉昔子建與淳于生分坐縱譚蔗杖起舞淳于
目之以天人今子清何多遜也李白贈高五詩謂
其價重明月聲動天門即以贈吾子清海內月旦
必以子言爲然已未四月朔黃公顧景星書于都
門旅次

與荔軒別五年同學者以南北爲修塗以出處爲
戶限每搔首曰荔軒何爲哉既而讀陳思仙人篇
詠閻闔羨潛光乃知陳思之心即荔軒之心未嘗
不爽然自失焉徂歲荔軒寄舟中吟一卷讀之如
對警咳欠伸而握手留連也蓋至今日始得敘曹
子之詩詩者曹子不可須臾離者也曹子以詩爲
性命肌膚於是導之引之抑之搔之輾轉反側恒
有詩魁壘鬱勃於胸中此精微爛金石視陳思何
異哉昔吾與論詩有才焉有學焉有識焉三百篇
之採風彤弓湛露棧車幽草榛苓茗華莫不有詩

經聖人排纂如出一手興觀羣怨合而多識鳥獸
草木渾鎔無跡四始分而君臣上下房中郊廟燦
若列眉非好學深思絕利一源者孰知之嗟乎起
陳思於今日吾恐不過如蔦蘿之松木寒號之不
凡而已荔軒知之宜乎不可須臾離詩然有說於
此雍丘之贈友也有劉楨王粲丁應爲唱酬有白
馬彪爲友于其求知已易易耳今曹子二千里外
寄訊於予如魚山天樂寫爲梵音此予所以欲箋
釋要眇爲之旁皇撫卷而不能已也荔軒之竒懷
道韻又寧獨才學識而已乎昔人品詩謂建安齊

梁諸才人皆有君子之心焉請以相曹子庶幾孟
氏誦詩知人之旨使徒賞其詩淵淵爾鏘鏘爾非
曹子所以命予者已些山學弟杜芥書時年七十
有三

言者心之聲也詩之爲言則尤出于心之自然而不可以模擬依傍者也荔軒先生家世通顯爲天子親臣乃被服儒素黽勉盡職不涉戶外一事故發之爲言蒼然以樸澹然以雋悠然以遠無論逐逐于歷下竟陵不屑闖其藩籬即以眉山劍南爭位置者自先生視之不啻如避秦人不知有漢無論魏晉焉獨是古今咏物無不以用意爲工如鄭鷓鴣袁白燕之屬字字刻畫以此得名而集中咏物諸作若在有意無意之間使人一唱三歎而始遇之則自少陵促織詩所謂久客得無淚故妻難及晨外不能多覲也而人猶欲以模擬依傍相求焉得乎遂太息而弁言其端遂安毛際可撰

杜子美言詩語不驚人死不休韓退之言詩橫空
盤硬語妥帖力排冑而白傅期於老嫗都解張子
厚云致心平易始知詩陸務觀云詩到無人愛處
工羣賢之論若柄鑿之不相入者然其義兩是亦
就體製分殊爾今之詩家空疎淺薄皆由嚴儀卿
詩有別才非關學一語啓之天下豈有舍學言詩
之理棟亭先生吟藁無一字無鎔鑄無一語不矜
竒蓋欲抉破籓籬直闕古人突奧當其稱意不顧
時人之大怪也先生於學博綜練習掌故胸中具
有武庫瀏覽全唐詩派多師以爲師宜其日進不
已譬諸駟騶駮駮郭椒丁櫟騰山超澗馳騁既熟
下而縱送劇駮之區其樂有不可喻者已康熙乙
酉冬十月秀水同學弟朱彝尊書

詩自明初至今幾於四變洪武四家尚矣空同歷
下其失也浮竟陵矯之其失也細今則家稱韓白
變而南宋其失也狃甚而爲俗矣棟亭諸咏五言
今古體出入開寶之間尤以少陵爲濫觴故密咏
恬吟旨趨愈出七言兩體胚胎諸家而時闡入于
宋調取其雄快芟其繁蕪境界截然不失我法此
是其工力到家然非其天分過人氣格高妙亦不
能驅策古人爲我之用也歎賞之餘謹跋其後四
明教弟姜宸英

棟亭詩鈔目錄

卷一

坐弘濟石壁下及暮而去

宿來青閣

夢春曲

春日過顧赤方先生寓居

讀梅耦長西山詩

卧龍嶺

曉遊潭柘寺

不寐

棟亭詩鈔卷一 目錄

人日和子猷二弟仲夏喜雨原韻

射雉詞

葛漁城

趙北口

病中吟


懷高澹人學士

胡進也木孩將移居南城

讀施愚山侍讀稿

杜些山胡靜夫過訪

雪霽次些山韻



留別姚後陶

花笑軒步月留別蒲菴

黃河看月示子猷

北行雜詩

南池

臨清閘聽水

喜葉桐初至

一日休沐歌

五月十一夜集西堂限韻

送桐初

棟高詩鈔卷一

目錄

二

古北口中秋

涼夜不寐口占

程霽堂至詩以慰之

秋飲

過陳次山寓居讀迦陵稿有感

圓廬

田梅岑自南城來却贈

題杜亮生釣竿吟

十八夜對月與子猷作

題次山小軒和姜萬青韻

和程令彰十八夜飲南樓

聞雁

送亮生南還即和留別詩兼寄些山先生
些山有詩謝夢奉和二首時亮生已南旋
四月望夜得遲字

呼盧歌

飲漚酒

仲夏吳雪蓬自土木歸見枉有作

月涼茗飲歌

送程正路之黃陂丞兼懷赤方先生

棟亭詩鈔卷一目錄

三

餅菊

插餅菊夜供有感

咏後陶香爐

咏桐君木枕

咏次山藏劍

咏上若澄泥硯

冲谷四兄寄詩索擁臂圖並嘉予學天竺書
月夜書懷

小軒闢除已移居其中有懷子猷

西堂飲歸

南軒種竹

棟亭詩鈔卷一

目錄

四

棟亭詩鈔卷一

千山曹寅子清誤

坐弘濟石壁下及暮而去

我有千里遊愛此一片石徘徊不能去川原俄向
夕浮光自容與天風鼓空碧露坐聞遙鐘冥心寄
飛翮

宿來青閣

襍被香寒夜氣濃五更月出海門紅愁人偏聽荒
雞唱烽火無邊歸夢中

曉起千峰霧不開怒潮捲雪蔽天來安能滿挽水

棟亭詩鈔卷一

犀弩直射山陰白馬回

時馬寇
獨傲

夢春曲

鴻雁歸矣可奈何春月脈脈生微波樓船萬石臨
中河飲酒逐景歡笑多翠袖出簾露纖手綠鬢紫
蘭夜香久寶瑟聲寒漏未央及春行樂猶恐後月
落長河白烟起美人歌歇春風裏夢轉微聞芳杜
香碧盡江南一江水

春日過顧赤方先生寓居

見因季子到堦前堂上先生尚晏眠逆旅藥香花
覆地長安日暖夢朝天開軒把臂當三月脫帽論

文快十年即此相逢猶宿昔頻來常帶杖頭錢

讀梅耦長西山詩

西山亘千里水石相絡繹結脈到幽州不盡迴蒼
碧眷彼高人駕一往空今昔杖履凌雲巔行歌弔
龍宅幽懷以竒騁佳境自茲闢我誦殘春篇慨焉
歎行役風露卧中宵車馬日枕藉愧與名山鄰羞
踐世人迹鬱鬱黃塵間狂吟聊自適

卧龍嶺

塞山如蛾眉雨洗青蒙茸我來值六月石路盤高
峰清風掃殘雲明霞淨秋容窈窕入無際望之開
心胸回首見長河波濤正洶洶晝夜逝不息車馬
紛交衝惜茲白日晚悵望撫孤筇

曉遊潭柘寺

諸峰雲未開前途馬已駕逡巡飯行人縱覽忘深
夏幽光蒙青林輕陰散丹榭古跡不可追依稀見
殘柘坐聞流泉哀百折空亭下

不寐

月落林屋暗寒燈耿幽光鄰雞私呶喔冰聲裂方
塘旣醉復思夢神清愁亦忘曉車如秋潮雷鳴過
空堂塵役苦無厭俯躬自徬徨

人日和子猷二弟仲夏喜雨原韻

小閣昔年聽雨處，夜闌燈火對牀明。
草魂未返江南夢，雁字初歸人日晴。
屈指炎涼千里別，何時來往一身輕。
釣車秧馬南郊外，共看靈湫徹底清。

京中

初夏游烏龍潭為盛事

射雉詞

少年十五十六時，關弓盤馬百事隳。
不解將身事明主，惟愛射雉南山陲。
山南麥熟不得實，青黃初接已生摘。
山田久旱無人耕，老雞叫媒白晝行。
隴頭峩峩行且舞，隴下絳冠力如虎。
不惜二雄為雌

棟亭詩鈔卷一

三

死但言新試銅牙弩

葛漁城

清秋埜色曠遊子，不能止落日下高原。
驅車見墟里，萬柳一煙靜。
森渺湖中水，湖水清且漣。
造酒醇而旨，烹此罾底魚。
食彼場上米，孤雲澹無營。
飛鳥相與徙，騁目悅初心。
暢悟達生理

趙北口

下馬問舟子，手指籬邊舟。
惠肯涉印否，不遠到前洲。
前洲多楊柳，後洲鳧與鷗。
印能操長楫，擊汰向中流。
水光浮上天，羣魚入空游。
惜無百尺絲，繫此

一寸鈎野女見人咲秋草吹綠油回身感旅宦轅
轍何時休

病中吟

風梳病髮纔盈握藥裹寒梅香繞廬飢雀噪簷山
雪減凍蠅觸紙午窗虛

懷高澹人學士

危坐瞻鴉夕穿雲有數層暮塵窗外海寒月定中
僧易痼文園病曾分蕭寺燈相思常不見清冷玉
壺冰

胡進也木孩將移居南城

棟亭詩鈔卷一

四

月沉風乍勁撼屋一如舟盡作懵騰睡真成汗漫
遊驚沙連廣漠冷焰合蕭丘來往寒城下還能爲
酒謀

讀施愚山侍讀稿

疇昔攜尊處斜陽依舊過佳時聞大略絕筆想餘
波歲月窮經史衣冠夢薜蘿九原皆故舊涕淚幾
人多

杜些山胡靜夫過訪

坐訝分牀慣跣趺不異僧清歡唯故塵久約亦寒
燈柝冷司人唱尊餘釀者矜長街何以贈霜月白

稜稜

雪霽次些山韻

春城人未着春衣玉塔微瀾半夕暉桃葉有情依
舊凍梅花無主不須歸盤風雛鷓懸鈴出鬧雪寒
蛾應火飛能是風流任來往五陵從此盡輕肥
江山何許未彫殘啾啾牆頭有紇干十日歸鴻迷
建業萬行疎柳夢長安花燈雜路迎春色酒幟排
空起暮寒寄語羣兒休踏盡好留明月盡情看

留別姚後陶

塞草江蘆青不同浮生何限別離中雄心作達深
杯見老眼題愁素紙空巷北樹涼扶杖過溪南水
好放船通相於正有園居約多送蒲颿八尺風

花笑軒步月留別蒲菴

獨行沙岸白江月逐人清細柳隨潮活危磯到寺
平鐘聲塵外夢花笑靜中情回向知何日風前惜
此生

黃河看月示子猷

高春澹微景露坐思南園不知明月光已照牆尾
藩濁浪無時休逆旅如煩寃怡然把瘦骨奮起憐
吹埧涓涓瀉醇酎秩秩羅寒燐視子負竒氣聽我

播清言清言亦可飽萬古多續緇惟此白玉鉤能
探崑崙源常儀惜輕垂碧靄滋餘暄豈鮮重淵龍
睥睨方蟠蜿亦有投林鵲素色含孤鶩秋空自然
遠蟲候本相喧明明一勺水再顧失潺湲陰森浚
九地晃朗排三垣荒風括箕口細露灑高原與子
共此杯持身慎璵璠莫歎無榮名要當出籬樊

北行雜詩

野艇方離兩城隅花出欄一羣紅不賤六月水初
寬泥飲新荷葉叢歌舊棗竿猶憐波上燕未及渡
江看

棟亭詩鈔卷一

六

微咏倚疎竹風清歌窅如開門飛白鴿彈指出朱
魚衣色迎涼吹杯香近客徐無才甘飲飫落照兩
躊躇

浮生常不達霍霍視頭顱倚棹思千古迎風灑一
壺竒雲臨楚散修竹到淮無漁笛如知己憑陵爲
客呼

青旗來粵甲黃馬盡吳船魚麗難爲水蟻行不出
天人濤爭達旦神鬼雜多年截地曾無術蒼涼燈
火前

風水逆相鬪湖河乘間流幾時青黑土一夜白黃

頭勁翻摩霄退殘花觸石浮悠哉年少日安穩縱
驂騑

日氣挾飛燕蓬窗晚食時關河淒欲斷鉦鼓競相
持節候風來早鄉心馬去遲不眠空翦燭已照鬢
成絲

水鳥啼中夜朱霞晃一朝轉看婁亮舫清共許由
瓢秋草深何有寒城近不囂愁心與襪襪日日飯
魚苗

落日桃源外憑高一欠伸天河何必險塞雁不來
賓禿樹緜綠烏平灘負戴人難將青草淚萬里問
蒼旻

棟亭詩鈔卷一

七

過淮聲不斷八月竟無聞殘夢連風葉空城滿夕
曛人寰清可繼蟲介隱多文更欲芟秋草螳螂漫
合羣

泊腐無情化秋來似有心隨風多隱見濯浪不浮
沉萬里褰孤幔雙星帶一簪於斯將照乘得得慰
歸吟

楚蛩如恨客卧穩櫂頭船白露看成霰青莎合共
氈更長蟾不進秋好蝶難翩送爾天西岬支機織
女邊

飄零雙鳳子顛倒着黃衣不散交鬚戲遙憐並體
飛雲香冉冉波照落微微滿眼天涯草西園幾
日歸

蛾眉不自愛撲暗一篷燈火猛何如吏心安即是
僧寒思銀色界白勝砑光綾欲就纖纖月黃河浪
幾層

殘梧澆濁浪滾滾散清愁蟲鳥誰先得蛟龍難共
遊洪音趨下土素景逼高秋寥濶存真賞空餘百
尺樓

層陰孤月出返照下邳城去路秋將半思家眼倍

棟亭詩鈔卷一

八

明齊波青玉色越櫓白鵝聲滿坐滄浪客從誰借
酒兵

齊魯語不辨城村時一經秋陽暴衣白晚棗墮船
青漸喜無蠅蚋相看有鶴鴿地圖還共指直北建
高瓴

粉榆不知社食肉媿儒冠朔曆看來少家書寄到
殘拂波無一燕落日倚孤灘

行在天山外西風玉帳寒

濟水寒無滓空多縮項編網畧充下澇城郭冒高
煙曉食觀須曠秋山坐不偏猶傷髀裏肉三月柁

樓前

同舟無主客歌泣不知頻塵面由來假秋光即此
真雲霾深地肺虎豹據天津明日黃花外莫囊意
倍親

野風吹側帽斷岸始登高闊絕無鴻雁提攜有桔
槔清寒蕎麥氣哀響白楊號掩淚看孤弟西山思
鬱陶

南池

滄海橫流亦有時紅塵今見古南池青天秋老無
人問九百年來八句詩

棟亭詩鈔卷一

九

臨清聞聽水

無心噴礪亦昏晨置爾歎崎磊落人風角哀湍多
順耳船頭明月不回身寒歸瀚海年年淺秋入茅
簷事事新一悟浮生燈影是彈冠猶惜故鄉塵

喜葉桐初至

馬耳飛塵脫帽逢眼中羸秀舊時容詩惟滌穢囊
如洗温不增華客是松乾鵲窺簷先下直晴山照
市未高春坐來翻灑傷心淚四月孤亭棟影濃
論愁不厭亦天真塵滿佳牀月滿身已分雲霞成
過客漫將屠釣勸聞人文章光焰思前輩冠蓋風

華接後塵從此預饒休沐暇與君唯有甕中春

一日休沐歌

一日休沐無所爲槽頭馬鳴草滿墀一日休沐無
所向森森潘陸隨車障我名何幸入通籍我胸何
苦抱岑寂君不見甕城東出河橋濱天街新雨道
少人右鄰季主左白墮中有深巷無囂塵巷深地
僻秋苔綠常時問飲不問卜但聞剥啄即同心何
況往來僮僕熟先生倔強復迂徐先生好客唯蔬
魚清時低賃伯通廡殘年高枕瞿曇書葉子同居
好心事精思妙語摩金翅程君磨盾亦奇才一揮

棟亭詩鈔卷一

十

萬彙驅風埃人生友多不爲過牀前莫歎青氈破
人生間少不須愁眼中西北有高樓高樓酒熟禹
中已五年落葉君須記高樓人冷日垂申十日一
別君休嗔諸君諸君慎相見長安容易改頭面隱
囊紗帽吾何戀不惜頻來布親串江南稻蟹饒西
風暫時擺脫嘲吳儂蒲帆數幅非難計且看芙蓉
暎水紅

五月十一夜集西堂限韻

庭柯淨交枝落景罷炎蒸竭來延靜侶露頂如枯
僧微風播高談廣廈無飛蠅悠悠盛年歡默照歸

華燈

抱甕汲深井井深慄毛髮吁嗟寧爾為將子結布
襪仲夏新麥登野飯趣涼滑惟應渾河舛艤舟酌
江月

十年披素紵相顧半老醜忽忽風霾中冠蓋去八
九荷衣野無式羽扇不離手磨剌肘後章莫易杯
中酒

清塵隱高樹萬瓦光鱗鱗金吾勅雞犬疎鐘遞城
闌在昔鼓腹遊真意非等倫憐君納不借所愧皆
閑人

棟亭詩鈔卷一

二

同羣富文藻風雅何翩翩新知竭要眇妙句必林
泉欲試成連音牀琴久無絃命兒讀豳風字字如
珠圓

送初

曼陀羅花開已謝鵲玉軒前無客來西望太行一
杯酒此身還不厭塵埃

古北口中秋

山蒼水白卧牛城三尺黃旗萬馬鳴半夜澶州看
秋月河山表裏更分明

涼夜不寐口占

沆瀣炎氛午夜平餘香猶炷一絲清風簷荔葉與
蕉葉時下空堂曳屐行

程霽堂至詩以慰之

客毛頰白盡相見惜庭柯弭佩三年改登階一揖
多微宵來鳥倦落日動烏叱暫止題襟淚江鄉近
若何

緩行淹水驛記別念山程雪片麻衣色風埃天馬
聲胸難消有故詩已到無情不娶非萊老全生苦
節貞

秋飲

棟亭詩鈔卷一

十二

驚颺翻白日塵影落簷際衆鳥何啁啾肅殺氣相
遞需生寡所歡妙理久沉沉滌慮期同懷觴政罷
苛細夕宇脫幘來澄光暎羣髻實成文字飲咀嚼
窮六藝往者永嘉輩放蕩不可詣潘石許投分未
路有垂涕遐哉粉飾心對值勉秋霽一勺波瀾生
深淺各屬揭躋聖寧讓先忘筌久難諦君看大小
雅伯仲本同系故人粲蕊芬房櫳闕幽蕙聆情獲
欣解豁目絕雲翳今古去無終茲樂杳難繼譬如
食甘蟲聯蠕隱微蒂至味了不減糟軀任銷蛻微
涼斂膚澤枕具少清憇醉醒非酢酬滄浪待鼓柶

過陳次山寓居讀迎陵稿有感

連牆苔色絕飛埃手版閒拋破寂來坐有茗柯酬
夙好篋無楮葉罷新裁清華適俗能容嘯少壯評
交實愛才忝與周旋非一日銅官山冷桂枝開
短簷修榻對支頤今古論文更不疑此帙半從君
手錄爲郎猶及爾形衰草深白版鳴蛙處水長西
橋浴馬時風雅至今多絕響迎陵遺調使人悲

圓廬

小擬穹廬迥絕鄰白駒閒送陸行人清埃不遠艤
舟便塞草江花總一春

棟亭詩鈔卷一

三

簾形偃蓋一弓寬樞戶清寥位置安消得鳳城多
少雪貉裘瓊被向來寒

田梅岑自南城來却贈

醉吟俱不輟世許作狂猜肩鋪行方並春城飲却
回易眠羶屋煖相待草橋開花事耽餘子同時尚
有梅

隱者皆株列長安咲捉衿枯匏容一扣掌劍有微
音居隔連街樹清如冠雪岑頻傷飛動意爭免鬢
毛侵

題杜亮生釣竿吟

杜生囊中釣竿吟清冷激耳非凡音眾舉罩仰世
相向五十未改滄浪心孤生之竹獨絲繭披裘澤
畔空泐忽六鷺連擲大何求尺半鯉魚牛足趺搆
巢兩架西枝曲縞衣憶傍蘆中宿照面澄江深不
深年年雪滿枯槎腹枯槎不爛天東注豈有桃花
無覓處臨風三嗅鮑魚羹爲君擊碎珊瑚樹

十八夜對月與子猷作

古瓦修柯蔭舍南參差城郭迥淒含自窺塵面幾
經缺閒握顛毛相向談清漏稀聞如辟地深杯一
照即澄潭眼花竟欲窮霄上避弋啣蘆影二三

棟亭詩鈔卷一

十四

題次山小軒和姜萬青韻

打頭伸欠爾何堪矮屋長眠擬劍南頻憶書堆當
料理泥塗十日謝朝驂

提沽責約有王褒

謂植夫

鄰堵相瞻雞共號能俟秋吟

通蟋蟀眼前脫略逐時豪

我結精廬一鉢圓春陰三里接飛綿長安來往無
他適異日風流絕可憐

車似雞栖屋似車胡琴撞碎興何如君家陽羨猶
堪說紫棟花開石首初

和程令彰十八夜飲南樓

客心搖落傍孤筇步屣隨時向酒家寒靚朔天高
絕雨秋闌燕市急催花離鄉渾識飄零雁在世宜
看早晚鴉能置歲華杯勺裏一帆終古浩無涯
十八城東破月輪淨街清影杖邊身風搖亭幔無
三里路隔棋盤又一旬紉袴實能呵醉尉鷗冠終
是聚浮塵為君古淡非今日泥飲醇醪味得真

聞雁

羣飛日日謝江湖過眼風花迹也無十萬樓臺三
市靜月明端坐兩狂夫

送亮生南還即和留別詩兼寄些山先生

棟亭詩鈔卷一

一五

風廊微照兩啣杯能待城闌簇騎回婪尾易消為
別酒隔年不卸有函梅園搖素奈辭春艷柁揆清
江下泱洄山步若邀斑杖健北湖長望惜莓苔

些山有詩謝夢奉和二首時亮生已南旋
述夢龍城雪予慚尚有心書來期不見形在覺何
深薦甲敷春老疑蕉數葉吟俗情占反復草閣倘
重尋

首夏江流穩吳帆望不孤歸翻先客夢杖只倩孫
扶隱几餘清畫乘車合異塗遽然如可待還寫掃

花圖

予留別有願為筇竹杖之句些山集
青蓮句有聞為仙人掃落花故及之

四月望夜得遲字

孰爲耽幽暇齋東退直遲清宵愁伏枕輦帶強題
詩夏木承初影岑樓納一規乾坤方北戶端照莫
移時

呼盧歌

白日無根月有窟奕世身名悲汨沒健聞時輩逐
時歡輟食臨風罷嗟咄邨南游客羣翱翔傾囊一
擲觀堵牆袒呼不辨王與李施緋拖綠鬚眉張塵
埃萋葦矜能事實過屠門圖快意家無擔石握拳
來十年富貴磨竒氣程不識郭細侯禿纓蒯劍徒
悠悠谷量牛馬豈能計蓬蘖英雄多白頭

棟亭詩鈔卷一

十六

飲溲酒

眷言酌昆友陶然知水竒麪蘖豈一端醇耐毋乃
茲沉湎滑稽內適俗恒澆漓今夕數帆健滿引誰
當之寒泉伏百里憶出孤竹時俯飲自厥古哺啜
庸非師名理迥未辨衆醒醉豈宜所以寄末世嗑
嗑尤恐遲永夜舒清光椽桷浮涼吹一隅啓微咏
萬古安遐思良久莫有得澹焉空素磁渴羌咲能
解冥漠心能知東鄰擊肥牛詰旦來勿辭咄哉口
腹累寧被鴟夸噍

仲夏吳雪蓬自土木歸見枉有作

避炎思出塞望遠久徘徊秃筆垂囊見顛毛戴雪
來交憐牆宇舊吟比蓬聲哀清夜無遺感風堂颯
沓開

月涼茗飲歌

廣庭摩腹風翛翛缺月半挂濕柳條小童支鐺煮
宿雨耳畔彷彿鳴江潮地偏澤溽恒忍渴鹿車閒
挽滿井遙寒泉行地寡風味乳花紅釀愁相澆日
前飛鞚致春薜郎官例賜隨蟬貂天人之糧不多
得栝勺未可驅塵囂銀餅緘貯出素手靴紋感皺

棟亭詩鈔卷一

十一

涵清矯我行擬作梁肉廷名嫌紗帽非高超為憐
好友餽唐貢一升滿淪憐中宵又聞養疴忌內汗
瘦腋寧讓盧仝驕茗柯有理慎莫憚解事徒獻陽
穀椒

送程正路之黃陂丞兼懷赤方先生

平生獨竒尚紳笏一時情羨爾濯髯處窅然江水
清先賢妙為政游藝幸無名

二程夫子
生尉舍中

舒卷青雲內

非同骯髒行

畫家遵北苑墨法秘南唐二者能兼得茅齋竟夕
香嗜交尤念舊汲引愧為郎舉轡黃州近全身問

楚狂

餅菊

餅菊饒天意含芳入仲冬南窗欣有托東里漫爲
容枯槁非時賞蕭疎與客供樊籬方集霰高枕恬
黃農

插餅菊夜供有感

肺熱中宵甚書堂細雨孤雁鴻深杳杳草木感區
區顧影分叢咲移根賤色殊盧奴勤采掇風候斷
懸壺

咏後陶香爐

棟亭詩鈔卷一

六

垂老餘閒拂拭中寒灰活火十年功色難初擬侷
蒸粟丹在何期學煉銅鼓鑄舊型終不改薰當小
炷與誰同內焚香
曰薰當可憐羔袖龍鍾後家世風稜畫省
東

咏桐君木枕

曲木如肱便可眠全身清戒白雲前何甘糟粕羣
容與自近淳龐益醒然富貴兩端詳夢久乾坤一
息弱絲牽枯心更際無名欲應有微言問杜鵑

咏次山藏劍

琉璃匣內泊無形屈蠖龍身自杳冥徒手力前餘

翫髒明眸相顧益娉婷一揮舉世頭俱白留待吾
徒鬢尚青瀕洞風塵少年事好將寶氣護文星

咏上若澄泥硯

耕有平田釣有陂爲陶年月幾何時前人泥土珠
璣貴中古文章草木爲自試墨華藏小閣休呼綠
鐵惑諸兒尋常柿葉題情處又有蟲吟出廢基

冲谷四兄寄詩索擁臂圖並嘉子學天竺

書

再報東臯一尺書哦詩松下晚涼如長城近日無
堅壘末路相看有敝廬甚願加餐燕玉暖少憂問
病梵天虛鬢絲禪榻論情性遠匣蟲魚已廢除
無遮願力合人天淨饌頻張侍講筵大部僧陀徒
譯字終年郎署反安禪空華想落滄江上故紙塵
勞繡佛前能事松枝許相易蕭齋揮灑舊爐煙

月夜書懷

今夜月光厚草堂殊未吟初疑近邊雪相顧滿華
簪一雁離羣早三年觸痛深荆花吹片片咫尺故

園心

連雨團圓節

京師以中秋
夜爲團圓節

虧盈此際看層霄無點翳
破鏡喜平安暖憶姜肱被羞彈卜式冠牆東讀書

地修葺莫彫殘

小軒闢除已移居其中有懷子猷

舊營茅棟憶江臯八席虛明似小舸白堊常年無
改作清宵一侶足遊遨塵沙實積菴摩內兒豎全
矜畫墁勞稍待月寒垂北戶地爐煨酒快乘尻
苦憐幽境閉門成一日常窗倍眼明臘雪竟宜添
薄竹藜牀猶是面寒城鹿皮淨結雙趺穩煙宇閒
飛數翼輕頻念江鄉點梅萼思君脫帽趨逢迎

西堂飲歸

城闈月寒暮煙重廣衢淨掃無飛鞚吾生緩步信
可歸近市何暇誇羣從一升已盡絮帽熱數語不
出衡門送輕風吹鴉滿樹頭石渠丈八今含凍久
聞西田新秫美釀成別調如秋水與子薄收計十
斛糟丘一築無堅壘泥塗未足憂輕屐

南軒種竹

西堂南闢市爲鄰擬種檀欒障午塵論尺勝求寒
水玉攜錢常避早朝人

古寺涼風挽鹿車貴唯買竹賤稱書過歸不用憂
長夏手檢閒枝挂葛裾

儘有青光護藥闌却因石磴想風湍水文簾外立

晴畫嫋嫋亭亭三十竿

板亭詩鈔卷一

三

10583

